



**G**ott dem Dritten Einwohnerit des Landes zu Hensen / nemlich etlichen Wendischen oder Slauischen Völckern / Sorben genant / so in der dritten General verenderung vnd fortzichen der Völcker Deudschenlandes / an diesem Ort eingefallen.

## Der VI. Littel.



**D**ff die grosse vnd merckliche mutation der Völcker vnd ihrer Sitze in Deudschenlanden / welche aus dem andern General einfall frembder Völcker aus Orient / nach der Keyser Antoninorum zeiten erfolget / hat sich ein zeitlang hernach (nemlich vmb die Regierung des Keyzers Heraclij, wie die Gelerten aus fleissiger Collation der Historien abnehmen vnd schliessen / vngesehr vmb das Jahr Christi 600. oder zum theil etwas hernach) die Dritte grosse wanderschaffe vnd verenderung der Völcker / in Deudscher Nation / begeben / Als da die Sarmatischen vnd Wendischen Völcker mit grosser menge vnd

grausamer gewalt vnd vngestümigkeit herein fallen.

Dritte General verenderung der Deudschen Völcker hat sich vmb die zeiten Keyzers Heraclij begeben.

**D**iese Wenden / wie sie allezeit unsren Deudschen Völckern benachbart gewesen / auch bisweilen mit denselben vermenget / vnd wo sich die unsren hingewandt / sie shnen daselbst auff dem fuß nachgesolget / vnd die Lender vnd Siz / so die unsren entweder gerne / oder weil sie von shnen bedrenget / verlassen / nach shnen wiederumb eingenommen. Wie si: denn sonderlich den Getis, Dacis, Alanis, Vandalis, Burgundis, Sassonibus, Mysis, Tyrigetis, &c. Bey der Donaw von Außgang vnd Mitternacht stets auff dem halse gelegen. Also sind sie shnen auch endlich in Deudschenlandt nach gezogen / sich alda neben vnd unter sie gesetzt / vnd besondere wesen Königreich / Fürstenthumb vnd Herrschäften angericht.

**E**rstlich haben sie zwischen dem Ponto Euxino vnd Veneditischen oder Wendischen See / so in Mitternächtischen Meer zwischen Pommern vnd Preussen gelegen / bey den Wassern Borysthenes vnd Tyra (welches man jetzt die Neisse nennet) vnd bey der Donaw / welche Lande der vorigen Völcker / so in der andern General mutation hieher kommen / alle mit einander gewesen waren / eingenommen. Darnach als sie ihre gewalt daselbs wieder die Glieder des Römischen